



UDRUŽENJE
OBRAZOVANJE GRADI
BOSNU I HERCEGOVINU
JOVAN DIVJAK

OSNOVANO 1994

Udruženje "Obrazovanje gradi Bosnu i Hercegovinu
- Jovan Divjak"
Dobojska 4, 71000 Sarajevo
Tel: +387 33 710 580, +387 33 710 581
E-mail: ogbh@bih.net.ba
www.ogbh.com.ba

8. jula 1994. godine 58 građana Sarajeva – intelektualaca, pozorišnih, likovnih i književnih uposlenika, vojnika i policajaca i običnih građana formiralo je Fondaciju/Udruženje „Obrazovanje gradi Bosnu i Hercegovinu“, s *misijom djeca žrtava rata-naša trajna briga*, što je krucijalna vizija koja je razaznala suštinske posljedice rata – razaranja obrazovnih institucija i urušavanje sistema edukacije.

Nakon 27 godina rada, 2021. godine, napustio nas je inicijator ideje, jedan od osnivača i naš dugogodišnji izvršni direktor Jovan Divjak. U znak sjećanja na njega, Udruženje je promijenilo naziv u Udruženje „Obrazovanje gradi Bosnu i Hercegovinu – Jovan Divjak“.

Dobitnici smo Šestoaprijske nagrade Grada Sarajeva 2016., Plakete Ministarstva obrazovanja i nauke FBiH, Zlatne plakete Općine Novo Sarajevo 2010. i 2021. te preko 100 nagrada i zahvalnica organizacija i škola širom svijeta. Od 2021. godine smo udruženje od posebnog značaja za Grad Sarajevo i udruženje od javnog interesa za Općinu Novo Sarajevo.

U **dvadeset i devet** godina rada Udruženje je na svakodnevnoj usluzi djeci i mladima žrtava rata, djeci i mladima sa invaliditetom, kao i talentovanoj djeci/mladima, djeci/mladima romske nacionalne manjine i onoj u socijalnim potrebama. Udruženje – otvorenih vrata, u potpunosti je ostvarilo osnovni dio misije – bili smo prvo moralna, a zatim materijalna podrška djeci, mladima i njihovim roditeljima/starateljima u Bosni i Hercegovini.

60.630 djece, mladih i njihovih porodica koristilo je usluge Udruženja u vrijednosti od **13,7 miliona KM**. Zaključno sa školskom/akademsom 2022/2023. godinom, podijeljeno je **8.168 godišnjih stipendija**, uključujući 2.080 stipendija za učenike i studente romske nacionalne manjine, u vrijednosti od **7,5 miliona KM**. **Više od 4.600 korisnika** učešćem u edukacijskim projektima boravilo u 18 evropskih država, Kanadi i Urugvaju, te na Boračkom jezeru u BiH. Više od 46 hiljada korisnika primilo je odjeću, obuću, školski pribor, laptope, sportsku opremu, poklon pakete, hranu i razne edukacije. Za **više od hiljadu korisnika** organizovali smo psihosocijalne radionice. Udruženje je podržalo **dvadeset i dvije** škole u BiH donacijom raznih školskih i sportskih pomagala, informatičke opreme, knjiga te obnovilo školske zgrade i sportske sale.

Dvadeset i devet godina postojimo i ostvarujemo ciljeve zahvaljujući velikom broju donatora, sponzora, članova i prijatelja iz Bosne i Hercegovine, Evrope, SAD i Australije – pojedinaца, grupa, nevladinih organizacija, institucija.